



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НАДИБЕРҢА

СИ" ИВ ЯЛЯХАНА НОПОЙ' СЕРТАБИВА"



№ 40 (5262)
2025 по'
октябрь иры'
4 яля

СУББОТА

Российская Федерация Ямало-Ненецкий автономный округ



Сидяңг. Марина Яр' тадтавы

Илам'
манэ"мы

5

Паюте"э' һацекеы тохоламбада



Сидяңг. Антонина Яптик' һадабтавы

Хор" иры' самлянзимдей яля Россия яна" һардавна нули" ненадоңэ толы. 1956 похона Һарка яна" нермбэртя" ватовна һацекеы тохоламбади" манзаям' саву"мана" е"эмня һадимдевы. Пыдо' нерняңы илна" няю' ёльце һарка таром' минре".

Тюку юн' вадава" Антонина Хэбелевна Яптик' нямна һэңгу. Пыда Тасу' я' няна Паюте"э' хардахана иле. Ненэй һацекеы харто' вадахандо' тохоламби. Лахарёми' телефон' мутравна мэ"һаминзэ. Тикы' хавна нини' һока по" ямбан' теневыни'. Һавнанда иле-бей һэвани' малыһгана һобкана тохолкурһанинзэ. Техэ" похот ёльце ва"лейһэ тенев. Хусувэй сертабада манзаямда ёльцханда тэврасетыда. Ханзер" нини" нердена мэва' торомдавами' тарем' тенев: «Вэба' ирыхына тохолкова' ялэна" мале пэйдаць. Мань педагогической колледжхана луца вадан' һацекеы тохоламбадаңэ тохолкурһадамзэ. Һобангуна классхана" ехэрана не һацекеы

тү. Сидна" тохоламбадава" ма"нив": «Тюку няра" нянанда" мэңгу. Тараб"нанда нядабира", тидхалембира"». Иры' пудана-хана Антонина мале пирувнана" тохолкурһасэ. Я"амнада яңговы. Теда' иланда нямна харта вадэ"мыда толахава".

– Һавнанда ханзер" һацекеы тохоламбадаңэ хэсь тасласар?

– Интернатхана манзарана Адер Лидия Катыковна нюдя һэвани' малыһгэхэд си"ми тенева. Һобт' тэворпани', иле"мина" тензебтембасетыда. Тамалыһгана воспитательва" һэвы. Вадаван-

Сидяңг. Анна Яптик' тадтавы



да, сянакурпана", етри' нини" тохоламбадаңэ таравэдм'. Сиддо' толь' тяха' һабтахая, падна, толаңго та-бедамбавын'. Лидия Катыковна манзеты: «Нерняңы иламд мание тар-цяң һэвакэн». Хасава юдим-дей классм' ёльце"махадана" сидна" мандалһэ Салехардан' ханаць. Культпросвет' училище' тохолкодаңэ хаяваць. Хар"на' ивнана" таславы серма" вуни-са һа", ханя' сидна" һэдабта", тания' хаява". Сыра' ёльцянд' тохолкурһава". Тад' тикахад һобкартава" танияна вуни хаю". Мал' хоян' хаява", мякнана" хаива". По' ямбан' нини" поңгана мэвакэдм'. Һамгэ' ёльцяңгана һани' тохолко хэсь таслав.

Небяеми нибта һод" харва", си"ми һэдарасэ. Ти, тарем' һани' Салехардан' гэвыв". ПТУ нюбета тохолкова' мякана няхар" по" тохолкудм'. Тикы' пуд таминни халы' заводахана манзара пэяв". Харни ивнани ибедорцетыдм': «Илева' ямбан' тюкона мэбцудм'. Харвабцони сер' нию һа"». Пудана «Калашников» нюбета ту һано хэва' ёльцянд' ман-зарадм'. Тасиримна ими ядэлы": «Екар" мякани хандадм', екар" нидм'». Телефонувна педагогической колледжан' лахана-дамзэ, тохолкось ядми пюрць хонаркурһадамзэ, таянд сава вададами вунидм' намд".

(Пеяда 3 стр. толара")

Галина Окоэтто' падвы

Уважаемые педагоги!

От всей души поздравляю вас с Днем учителя!

Вы выбрали удивительную профессию, в которой невозможно быть равнодушным. На ваших уроках дети познают важнейшие жизненные ценности – честность, трудолюбие, любовь к Родине, способность мыслить и сопереживать. Вы – настоящие архитекторы судеб.

Для нас важно, чтобы дети получали достойное образование. Стремимся обеспечить комфортные условия и ребятам, и педагогам. Для этого строим самые современные школы, оснащаем их высокотехнологичным оборудованием, реализуем уникальные образовательные проекты. Уже более десяти лет в системе образования работает программа по привлечению лучших педагогических кадров – «Учитель Ямала». За это время грантополучателями стали свыше 430 педагогов. В этом году мы обновили ее, сделав еще привлекательнее – теперь победители конкурса получают до полутора миллионов рублей.

Ямальское образование уверенно идет вперед. В

прошлом учебном году более 400 выпускников получили аттестаты с отличием. Регион впервые в истории завоевал 24 награды в финале Всероссийской олимпиады школьников: 11 участников стали победителями, 13 – призерами. Наши ребята поступают в лучшие вузы страны, набирают высшие баллы на ЕГЭ – в 2025 году 26 выпускников достигли максимального результата. За всеми этими достижениями стоит ваш колоссальный труд и это лучший показатель вашего профессионализма!

Дорогие педагоги! Искренне благодарю вас за верность профессии, мудрость и душевную щедрость. Желаю вам крепкого здоровья, вдохновения, профессиональных успехов и благодарных учеников!

Губернатор Ямало-Ненецкого автономного округа
Д.А.Артюхов

Дорогие учителя, преподаватели и ветераны педагогического труда!

Поздравляю вас с профессиональным праздником – Днём учителя!

Ваш труд – это не просто профессия, это истинное призвание, требующее огромной мудрости, терпения и душевной щедрости. Вы не только даёте детям знания, но и прививаете им лучшие человеческие качества, помогаете раскрыть таланты, становитесь для них путеводной звездой в мире открытий и возможностей. В условиях Крайнего Севера ваша миссия приобретает особую значимость. Вы создаёте будущее Ямала, воспитывая поколение, которому предстоит развивать наш уникальный Арктический регион, укреплять его экономический и интеллектуальный потенциал. Особые слова благодарности ветера-

нам педагогического труда, которые заложили прочный фундамент системы образования нашего округа. Ваш опыт и преданность делу служат примером для молодых педагогов. Желаю крепкого здоровья, неиссякаемой энергии, мудрости, терпения и благополучия! Пусть ваша работа приносит вам радость и вдохновение, а благодарность учеников станет самой высокой наградой!

Председатель Законодательного Собрания Ямало-Ненецкого автономного округа
С.М. Ямкин

Янди' тер нядабаңгуху'

Вэба' иры' 29 яляхад хор' иры' 7 яля' нэсонд' Москва маркана нэрм' тер' тохолкова «Школа общественной дипломатии» минда. Няхаромдэй пеляханда юкад вата си'ив ненэцям' тэравыць. Ма'лавыдо' Россияна' ханярид жа', юд' мян' ё' вакхат товы'.

Маня' яхадана' тания' сидя нява' хаяханзъ. Пыди' сидябты харти' тэнзиди' нерня' минренаха'. Галина Косыгина (Ядне) Саляңгардахана иле, округна' тодо' тэнз' ненэцие' Ассамблея' нэвахана мэнаңэ тара. Иван Сандрин Мужи харад' няд ядэржа, райондо' серо тасламбада, ня'амбада хардахана манзара. Ялэхэ' пэрта' манзаити' хавна нямгэри нямгэхэна янди' тер нядабасетыхы', луца' вадавна хэта общественной манзаям' минресетыхы'. Нямэхэна хаби' я' нямна нэдалёрнахась. Тамальгана няхар' ю' тохолкодась, тикы' поңгад сидди' тамна' тяха' хана таславыць.

Теда' яна' нарка хардахана нэда' нани ё' поңгы серк' ненэцие тохоламбада институтхана, МГИМО' няна ма'люржа'. Сиддо' тикы тохолкулава' яхана манзарана', тамна нани' серо тенева'на' хибяри' тохоламби'. Е'эмняндо' хуркари тохолкови хамэдавы'. Ненадовна пуна пыдо' миначь лахана, падро ервха' падыба, илам' савумдамбада проект падыба, илма' мэйрамбада вату нерня' пэраць, тикахад ервха' вадам' тэврамба теневабто' тара. Нэдыбятта Россияна' сямянахат тю'уня' мэна ерво, харто' индо' сер' манзарани, тодо' тэнз' ненэцие' организация ня'амбади, ООН' тер, вату тасламбади, падыбади лаханако нята'.

Малевандо' сер' сямянахат ва'лэймдо' тэраңгу', нянда миллион есям' мита'. Пыда магистратуран' хэсь пиртада, МВА программан' пыхыдамда падбата' нод'. Сита хавна юкад вата тета'мдо' ненадумдангу', хуркари' ёльцяндод' тянэ тохолковаха'на, Россия' няби нани' ё' тиңгывна минда серка'на' мэсь пиртадо'. Яңга Школандо' конкурс нани' таняңгу'. Мале сянахандо' грант' еси' няд'ми мита'. Тедари' юндава' нэтева', хибямдо' нерня' мэвамдо' нянда' вадетава'.

Нанине Хорэли' падвы

Падро сертабава нензел' нэңгу

Едэй илаңгана тарана' падрона' «Госуслуги» порталхана сертаба пирьяна'. Сямян серона' танияна тасласетына'. Тикы мутра ёльце сававна сидна' нядаби.

Тандая' нани' нэпой юнм' намдаваць. Нэрм' тер' е'эмня яңга «раздел» нэдимы. Теда' невхы иринато' ила' саирм' нэдана' нина' (мюсерта', нэдэна') интернет' мутравна нэка серодо' тидхалембаңгу'. Нэхат' сер' тодо' ерво' мя'амна ядэрць ни тараңгу'.

Яланда Госуслуги порталан' туюсь табеку' (https://www.gosuslugi.ru/landing/kmns_yanao). Нэпой страницахана тасла пир'манда' сер' тарця':

– Нюсавэй' мяд' тер' е'эмня нэдимдевы' няд'ма'

- нэцекеы' еся'
- чумовой капитал нубета нэдаңгосэй
- Колледжха'на тохолкова' няю' мэта' няд'ма'
- тохолкова' мир' есям' салдамба мэ'манда' падар' (сертификат')

- имбытадо, паны, тохолко мэ'манда' нэвори тэмдаба мэ'манда' падар' (сертификат')

- лакамбой' иле лохоңэ мэта' мяд' мир' есям' хусувэй ирыхына салдамбава (колледжха'на манзаядамдо' тохоловаы' илебей' ненэця' няхар' по' ямбан' тикым' мэць пирядо').

– Институтха'на, университетха'на тохолкоди' няд'ма'

- нюртей курсхана мэнаха' мипада еся' нэдаңгосэй

- тохолковам' салдамба мэ'манда' субсидия

- сававна тохолкода' студент' е'эмня Ямал' ерв нэдимдембада стипендия



Сидяңг. Марина Яр' талтавы

– Мюсерта', нэдэна' ненэцие' няд'ма'
• ирыхына ня'марпада' самляңг ёнар' есядо'
• халя' падар'
• невхы ила' саирм' минре мэта' нэдаңгосэй' (мяд' ея', нэ', хор', ной', поңга', лата', тамна нани' нэвори ня'марпава)

Тикы' хавна танияд' нэка илаңгана тарана' вадиманэць пиртада'. Хурка' няд'мина' таниявам' мал' хоңгуда'. Нэрм' тер' серо ня'амбада департамент, «Морошка» нубета проект нани' мюнянда ненадумдавы'.

Галина Нэкэй' падвы


Харпо' яляхат ябере'

Сиднет яля' тыхана Саляңгарад' нийм' нумгыдарев' яберена' яля' ялэмдадонзъ. Нум' няра' ня' сидя ёнар' самляңг юр' «дрон»м' нэдараць. Нэвна сиднет ю' по' тыхана иринана' нэамгэхэртахад нисъ пин' нани я' саю пирдалець. Тикы ненадо серм' пилибт' тенева'на', нива' юрыбавана' е'эмня няна' падта'ми манэ'лабтамбиць.

Мэкад тиртя' нэво маниеванзъ мал' пин' тарпынаць. Нэкаюм' пелява' «Геолог» нубета мяд' хэван' ма'лысь. Нэнина' мякатато' сырнаць, сидерато' сивна маниедонзъ. Нэнэця' мято' терсавэй тоць, ядэрта' нэцекеы' нэули' нэкаць. «Квадрокоптер» манзадавам' мал' нэтеваць. Ёльцянда това' сер' лаكري' ялякоця' тю'у' танта пэйдаць, неняңгадрев' мунота' то'олхаць. Хэхэ' мяд' тыхад тю'у' нэдарэйдонзъ, пуна тания' нод' янамбовна сэяць.

Нум' няна падта'ми нэдибелець. Падта'мидо' Россия' тер' нэцекеы', «Движение первых» тер' сертавы' нэвыць. Е'эмняндо' «Небо победителей» конкурс мимысь. Сямянахат савато' сер' 3D анимация сертавыць. Тэравы' ва'лэй' падтаңгуртидо' Саляңгардан' хамыдонзъ. Нэнадумда'ма' падагандо', нэудито' терад округна' нэвахана мэна ервана' марцьхэхэд ня'маць. Тохолкоди' хуркари мутра няд'мяць яля' ня' нэда' нэво сертабавам' саць саву'нэсь.

Тиртя' нэамгэрико няд'мяць няна' юд' мян' пир' падта'мам' манэ'лабтаць. Нэрия солдат нэдимысь, маханда няна «За Родину!» падысь. Нэпойхана



хасава' нэумда севолпись, пыда сайнормахад товысь. Поезд нэдимысь, тикахана «май 1945» толаваць, яхана' Победам' тэвраць. Тамна нэнихина нув' сармик' тирта то'олхаць. Тиртя' нэно тияць, пуданда «Мир» вада хайсь, сянакода нэцекехэ' нэдимыханзъ, маханди' няна солдат нусъ, паднада тарцясь «Спасибо за Победу!» Победа' сиднет ю' по' ед' таславы «Родина – мать зовёт!» ненадумда'мам' нани' манэ'лабтадонзъ. «Дрон» мэта' ва'лэй' нэвы', мутрабтавы' нэво маниева сэвна' майбтась.

Нэрцюй яляхана нэбтикеы' ма'люржаваць, тамальгана сё мэтарихи' инзелеваць. Сёдо' мал' сайнорма, саю мардава' нэмна нэаць. Маня' сайнормы, сайнорманзъ хэвы, ёховы, мякато' нивы тэвавы мал' тенеина', ява' нэдавамдо' похо' вацяндана' мэ'нава'.

Анна Яптик' падвы



Сидяңг. Анна Яптик' талтавы

Паюте"э" ҕацекеы тохоламбада

(Нердена пеляда 1 стр. ҕа)

Тикы яля' сидя яни тер нями няць Нэрм тер" серо ня"амбада ерво" мят' хаядамзь. Таняна Розалия Ивановна Ильина си"ми тидхалесь. Манисьяв": «Харвабцонд' таянб», ханзер" сит ни" ханаҕу", ҕэваханандо' мэнадо' ҕавнанда Паюте"э" хардахананд манзаравы ненэць». Минханда колледж' ҕэвахана мэнан' телефонувна лахана, таянд сава юнм' намдадм': «Тохолкован' харванахаван' тохолкось ядамда хоҕгува». Розалия Ивановнам' илни сехэрым' тидхалевэҕэ ваде"ҕав. Ханярина хомбабани етри' савуцетыв: «Тамальҕана си"ми ёльце няданась». Пыда табекосеты: «Тад нерня пыдар ҕани' тарцяҕ' ҕэсету", ненэцие нядабасьту». Манзаям' тохоловани' пуд Паюте"э" хардан' школан' хаядм'. Теда' мале сидя юд' няю' мат" по" ҕацекеы тохоламбидм'. Ненэй вадава", литературам' минредм'. Небяюни', нисьяюни' тарця ила' сехэрым' тэравами, тохолковами ҕули" савуцетыди: «Мара" хардан' хэвэн', сит' тотрев' хибя сидни' хардахад нядабанҕоса? Теда' иланд' сававна миҕа, ненэй ненэцие" ила' саиркад перен».

– Тикы манзаяр нянанд хурка?

– Минрена манзаями ҕули" ивнани ҕа. Ханярина мэбни ҕод", таяримна ими ядэрцеты. Школан' хусувэй яля' маймба ядсетымд'. ҕацекеыни" теневабцу ҕокамдамба, е"эмняндод' едэй и" ҕу вадець варемид мэцетыдм'.

Нюртей похонна тохоламбавы" ҕацекеыни" ёльце сававна тохолкосеты". Та' мальҕана илма" туюку илаҕад яҕгась. Урокахана сиддо' ҕамгэхэрт нись лаволамбю". Тедахав' телефонсипой" я"мадо'. Тикы сава серт' сиддо' ни тэврамбю". Ини маймбабцонҕэ хой' няд товы" ҕацекеы" тара". Пыдо' вадамдо' теневадо', нидо' юрибю". Урокаханана" си"ми нядабасеты". Вадам' ехэрана нидо' табедамбасеты".

Манзаяханани едэй мутра" няд"маҕэ мэцетыдм'. Мутраҕэ нюмдебадина" – «интерактивная доска», «компьютер». Тикысипой" ҕацекехэ"на урок пон' миндараха. Няби' сер' урокар илекаҕэҕу, тоенана серо мер' хамедаҕудо', ни" носанҕу". Тамна харто' хэбицяко иле"ми (видеоролик) падыбасеты". Ненэй вадана", илна" саир' нямна ҕэсеты". Тикыдо' конкурсха" ҕэдабтамбасетына".

– Паюте"э" тер" ҕацекеы" сянимдей класс' ёльцянд' ненэй вадамдо' тохоламбидо'?

– Нюртей классхад хасава юдимдей класс' ҕэсонд' урокана" таян". Хардахана илена" ҕацекеы", выг' тер" вадамдо' мал' тохоламбидо'. Харвабатод' ненэй вада' нямна экзамендамдо' тэрасеты". Теневабцудо' сава оценкаха"на ҕадимдесетыдо'.

Ненэй вадам' минрева' е"эмня таславы тохолкось ява" таян, ҕани" тохолко лохохот ҕули" яҕга. Сямянхат ненадо' яхана паднана ненэциена" тадма" ҕа". ҕацекеыни" нубедо' мал' теневадо'. Няд"маҕэ мэтидо' – ненэй вада' нямна



Сидяҕг: Антонина Ялтик' ҕэдабтавы

ни ҕани' ҕадимдембасетын. Тарем' помнана" тохолкурцетыва".

– Мят тер" поҕгана невхы лаханакко, сё тенева нид таян"?


– Нисьями лаханакко мэцеты. Ханярид невхы сё, ярабц падыбада" турп", няданда хонаркосеты". Урокаханани мэ"мы лаханаккода толабасетыдм'. ҕацекеыни" хэбицяко ва"ал харвабтасеты". Неноховавна нисьями невхы иле"ми тенева. Тедалахана 87 похонанда лаханакко мэцеты.

– Сит тотрев' ненэй вадам' школахана"на минрена няхат хурка вади мэ"ман' харван"?

– Сенз ҕэя", мято' тер" нёя" хаҕур", сиддо' нядабая". Сенз ҕэбна", манзаява" сава ҕэҕу. Нерняҕы ялэна" няю' таҕга сыртава". Варева" мэп"на", нисьянана", небьянана" ила' саирм' ёльце тяхасовна нерня' минренҕува". Ненэй вадам' тенева"на ҕацекеына" ҕокамданаҕу".

Тарця ненадо' яляндод' ед' «Няръяна Нэрм» хана паднанаҕэ ҕарка яна" тиггэвна ҕацекеына" тохоламбадаха" ҕобтикы сейхад миндя" вади мэ"ҕава". Манзаядо' тид" миҕая. ҕацекеыдо' тяхасовна мунд' инзеля", теневабцудо' ҕокамдамба варемдо' мэ"ҕая".

Галина Окоэтто' падвы



Сидяҕг: Анна Ялтик' тадтавы

Нюрцям’ сянакобц

Илебей ненэця” хуркари индо’ ватовна цэда серо хомби”. Тарем’ Ямальской районхы Панаевск’ тер” ныланава’ яляхана мэкад мутратна сянакоб-цхана сянаку”.

Юкад вата хасава” сюдбьяко телевизор’ няд”мяць футбол-хана сянакуць. Ѓокханда си”ив командась, сиддо’ сидя”мана тярпиць. Ня”манда нядандо’ нись цэдо” тэраби”, падроко нэкалпи”. Пирдырти” поґгана Виталий Яптик мэсь. Пыда нян-да Евгений Худи еремысь. Пыди цули” ва”лэйха’ цэвэхэ’, няданди’ вата цоб” яґговы. Пуданди’ миндаха’ – Андрей Яптик няби Константин Сэротэтто. Роман Пырирко няби Степан Окотэт-то няхаромдэй ян’ ха”амвэхэ’. Виталийм’ хонрамбидамзь, пы-да ма”нисяв”:

– Тюкум’ мале школахана то-холковани мальґгэхэд тене-вав. Яґга пирдырма” цэдиво”ма’ пуд таминда тая’ ханаць пэй-ваць. Евгений’ ня’ тарем’ сидяґэ пирдырмами’ яґгусь, торомбэй цэвани’, нини’ хамэдамбавани’



Сидяґг: Андрей Яптик’ гэдтавы

нирид нерня’ ха”мыни’. Цоб” ёльцяґгана тет ненэця’ сянакова’ мальґгана сабе лэтё таравы.

Ханзер” сянако, хурка мут-ра тенева серопата? Ненов-на джойстикм’ мэць тенева та-ра. Тикахана телевизор’ мюмня сюрбертарха” ненэциекуд мячм’ тапарпа тид” табедамбаґгуд.

Тандая’ тарця мутрам’ ня”ма-вэхэнанд, мэць пывэхэнанд хамэдицяґгу, хибя’ ханяна сюр-берма пунсяґгу.

Нида ма”ламбададо’ - Андрей Яптик. Нюртей тарця киберспор-тивной турнирамда 2020 похона цэдимдевэдаць. Тамальґгэхэд тикэмда етри’ минреда.

– Царка хардахад то”мани пуд, тохолковами мале”мяхадани хар”н хардахани пуны’ тодамзь. Манзаравани хавна нини” е”эм-ня пирдырми хамэдамбидм’. Нерня похона тет мэва’ цобт’ тэвасетына”, теда’ сидяри ма”люрцава”. Ма”люрць ям’ культура’ мякана ходамзь, та-няна манзарана” си”ми сававна нядаби”. Пирдырма’ нерцю” ва-дам’ цэдарамамбидм’, хибя харва, хибя пирцада – мал’ тута”. Шко-лахана тохолкода”, студент”, манзарана” ненэця”, тамна цани” няна” тэворцеты”.

Андрей пирдырмахана мэта цамгэм’, «приставка» нубетам’ тэвравысь, нита медаляд, не-надо падарт тэмдавысь. Ваць нерня’ ха”амвыдо’ цуда’ терха”на ми”мэдаць.

Компьютерм’ няд”мяць мэ-та сянакобц серта сер’ цани’ нюрцям’. Цытарми” Сая’ тер” цобт’ тэворпато’ нидо’ то-ромдамби”, тикахад сава няґэ хан”ца”. Ханяґэхэ”на цобкана не-нэй футболан’ ханда”, цанихи”на поґгадамдо’ пядаґгу”, ханеґгу”.

Ненадо пирдырма

Цэрм’ тер” серо нерня’ тидха-лембада департамент’ тер” нена-до пирдырма’ нямна юнм’ падвы”. Сюдбала”, сёётэй” ненэцие шорца”, поґгадандо’ сямьяхат ва”лэйдо’ тэраван’ харва”. Няхар” цэрм’ тэзм’ мэта” яна” тер” падродо’ няндо’ цэдабта пирца”. Тикы” – не-нэй ненэця”, хаби”, тасу’ хаби”.

Нерня’ ха”амвы” «мастер фоль-клорного жанра» ненадумда”ма’ падартамдо’ ня”маґгу”. Хусувэй хи-бьяри тарця пирдырмахана мэсь ни-да пирас”. Я’ мидыхыд харт яхананд иленя цэрм’ теран’, невхы лаханако, сё, иле”ми теневанан’, илна” саирм’ лэтрамбадан’ цэбат, тикахана сит кон-курсхана мэвандаґэ падаґгу”. Тикы’ хавна саць илебеян’ вуниґ цэґгу” (30 поданд хэвы цэбта, тикахад тамна царкамбоян’ цэбат).

Пирдырман’ харвана” падродо’ носиндалава’ иры’ 24 яля’ ёльцянд’ цэдабтамба пиртыдо’. Цэрм’ тер” департаментхана тюку адрес’ сер’ цэтенангу”: 629008, Ямало-Ненецкий автономный округ, г.Салехард, ул. Гаврюшина, д.17. Конкурс’ нямна хонравандара” таяґб”, телефонувна лаханада”: 8 (34922) 6-70-21.

Ямална” цэдавна 26 яна” тер” ма-ле тарця ненадумда”масавэй”. Тад’ нерня’ теневабцудо’ школахана, ню-дяко цэцеки” мэлваха”на цэдимдемба пирьядо’. Тикыто’ сер’ царка таром’ минре”, цэрм’ яна” вади, илна” саирм’ лэтрамби”.

Галина Окотэтто’ падвы

Яна” пеляґэ хэ”мя ялядо’

Няхар” по’ тяхана 2022 похона Россияна” пеляґэ тет я хаясь. Вэба’ иры’ няхар” юдимдей яляхана Кремль мякана ненадо падро пидтем-биць. Тамальґгана Донецкой няби Луганской Народной Республикаха’ тикахад Запорожской няби Херсонской областьха’ маня” ядана” па-дыдонзь.

Царка тэраґговамдо’ вэба’ иры’ сидя ю” ня-харомдэй яляхад сидя ю” сибимдей яля’ цэсонд’ мэ”цадонзь. Ненецието’ цэокаюм’ пеля яна” терцэ

хэсь таславэдонзь. Пуна падродо’ сертаба пяць, ненадо падарка”нато’ Россия’ терцэ падыдонзь.

Тад пуна ненэцие” илам’ мэйрамбада ва-ту падыбада” ерв” едэй ватом’ цэдимдець. Тасалковадо’ вэба’ иры’ хасава юдимдей яляхана цэсь. Тамальґгэхэд вэба’ иры’ няхар” юдимдей яля хэбидя яляґэ хаясь. Тет я’ тер” няюна” нятла”мам’, тэвавам’ яна” ила’ паґг ненадо сер”цэ толы. Теда’ ёто” тиґгэвна цэвахы вададандо’ луца’ вада толы, тарем’ республикато’ конституцияха”на мэйры.

Паднанан’ цэбат – падан”

Цэрм’ тер” серо тасламбада департамент харе” вадавнандо’ паднани” ненэцие” е”эмня цэдимдембада конкурсмад пя. Хусувэй по’ минрена пирдырмадо’ Л.В. Лапцуй’, П.Е. Салтыков’, С.И. Ириков’ премия нубе”ца.

Ненеця’ вадам’, хаби” няби тасу’ хаби” вадам’ теневани” падвы цэте”. Вэба’ иры’ 25 яляхад тарана падро ма”ламба пяґгудо’. Носиндалава’ иры’ 13 яляхана ёльцянда ханда.

Таддикахад тенера”! Падвыда” Ямална” тиґгывна цэдиберта цэрм’ тер” ненэцие” газетаха”на ялян’ цэдимдевы цэбта серо”ца. Цамгэ” нямна падна сава? Ненадовна тарця” тара”: «Родная речь», «Община – вче-ра, сегодня, завтра», «Ямал – мой дом», «Се-мья». Пирдырма’ мале”мяхад няхар” ва”лэйм’ тэраґгу”: ненэй ненэцям’, хаби”, тасу’ хаби”. Хусувэнд’ ня”мавы еся самляґг ю” ёнар’ цэґгу”. Тамна цанихи” ненадумда”ми падро мипсеты”.

Манзаида” интернет мутравна Dkmns@yanao.ru электронной почтавна



Сидяґг: Лариса Вануйто’ тавы

цэдарамамбида”. Тэри почтандо’ адрес цани’ та-ня: 629008, г. Салехард, ул. Гаврюшина, д.17. Хонраван’ харванам’ тюку телефонувна 8 (34922) 6-70-21 намдарара”.

Цэвна паднани” конкурс 2012 похона цэди-мьясь. Мале сян’ по” ямбан’ цэрм’ тер” вади нерня’ минрена ненэцие ма”ламби”, нядаби”. Цокханда ненадумдавэдо’ тет ю” пирцэ харва.

Анна Яптик’ падвы”

Илам' манэ"мы

Мяд' ядувна мимб", нюдя нюмда сянакултамба ябти пьсьда пин' сосеты. Пирибтя ни џа", тикы нява" џаркамбой нябакова" – Юля-хада, помнана" хасава нюнда нюмгана Токо' небяжэ пэрцетыва". Хадава" џамгэ тензебтева"? Хор" иры' нюртей яляхана џарка яна" тиџывна џармы ненэцие" ялям' ядабтамбаџува". Тикы' няю' хаданана", иринана" нямна лаханаџува".

Токо' небя хадаџэ вадепана" џод" мякнанда сяхаџгарт' тэри џамдэда ни џа". Ядембада нумгана, хубтакохона сяй"махадандо' џэсоџода высылтамба пинякуна тэри ядэрцеты. Неняџгасяда нумгана ваџг тэлхана поёрцеты. Ныхында, выранда пирувна џоб" севэйхана тэванасеты. Хадана" 79 пода, џани похона мале 80-џэ ханда, тикы пода вадавнандани со". Тэри ниванда џамдэванда е"эмня, яля' мадасэйда тэри яёл" манзая". Ѓодя" џадиво"махавад пыда ваџго" тэл"мана сюрберманда. Ѓоди"мам' пили" харвобтада.

Мяд' манзаяхана тэри џамдэда џани' ни џа", ненэйвана нюта нюм', мядонда хасава џацекым' сянакултамбасеты. Пыди' хосарка"на сянакосетыхы". Хардахат товы нюмда тарем' сянако ненэй вадан' тохоламбиди. Помнанди' нюрџамба тэдорпати', ёльце макадаха' џэсетыхы'.

Харта џод" хадава" юкад вата сидя нюм' ховы. Тикыда мал' џарка ненэця", харто' иландо' сехэрым' нэданаџэ хэвыць. Тэхэ"нато' мэ", нюсавэй", ханяџыто' тамна нюто' ню" тания". Пыдо' небямдо, хадамдо' вэдепасетыдо'. Теда' пудана мале сян по" џарка не нюхунанда иле. Хада ма"нисяв: «Ѓарка не нюми си"ми манзая"џа. Та' ненэй мякана илева", сельбя' няна хардан' тэворџава", сыра' ямбан' ядембада харад' мюня илева"».

Хадам' невхы поход теневав, џавна тамна џобкана мюсербана", џэсыхынана" нянэ ябцыбасеты. Тикы иле"мямда џани' тензебтеминзь.

- Илева' тэхэ"на мэсь, мюсерць саџгом' хурсадасетыва". Мань сидя няньни џэсяха' танияџаханзь, тикахаюни' падэни мюня

мюселембаџахаюнась. Вэсакоми џули" вырэй" ненэцяньзь, саџгом' ёльце волтамбидась. Ѓэсяџони" ниванда манэ"манда е"эмня нянэни парада"махадани минхани етри' сюрпасетын'. Сертавы няньхабини тарем' џод" џорцетыда. Теда' тикы ялэни тензебтембабани мэкад џэсеты. Ѓавнани тамна школахана тохолкудамзь. Си"ив по' тохолкомами мэ"махадани нини" си"ми хойхана хаець. Ихинани тохолкова саць мэкадась. Няд"ма таревакы, тарем' хой' иланд' тэвыдамзь. Луца вадам' теневав, лахана пирџав. Харта џод" ёльце иськабтада џацекэдамзь, џока вадам' намдасетыдм'. Тамальџгана џацекэжэ мер' манзара пэсетына", мале си"ив похонана" џарка ненэцие" пирувна тэтнасетыва". Ѓобтикы нензел" нись џа". Пуна си"ми хаюпа миџаць.

Ил' харта тарця џамгэ, ялэни



Сидяџг: Марина Яр' гадтавы"



џопой ялядарев' хэня то"олха". Теда' мале тынарџой пухуџадм', сёнзяни мюхуваха-на тамна мывдана илебей нерхадм'. Ини харвобцохов тамна ёнре"э" тыни пумна миндьяраха".

Марина Ярой' падвы



ОБЪЯВЛЕНИЕ

ВРЕМЯ ДЛЯ ВАЖНЫХ РЕШЕНИЙ

5 000 000
РУБЛЕЙ в год

2 300 000
РУБЛЕЙ ЕДИНОВРЕМЕННО

При заключении контракта
на Ямале

Подробности на сайте
contract89.ru



Ямалхана СВО' няна сайнорта" ненэцие", мято' тер" е"эмня џадимдевы" няд"ма"

Та' ер' ялям' мэ"џаць

Сёяха' хой' няна, Матюй яха' факторияхана ты пэртя" пило" ирыхына џобт' ма"лорџаць. Тарем' ма"лормадо' мале хасава юдимдей.

Пилё" иры' 10 яляхана та' ер' сянакова' ялям' мэ"џаць. Сёяха' хой' няд, Я' мал' пыя' няд юрт' харвана" џэдалёда" товыць. Тад' тикахад Ямальский район' џэвахана мэна" ерв" тиртя џанохона тоць. Хой' терха" едэйвана џадимы няндеро ваде"џаць, мюсерта" ненэцие" ед' хурка няд"ма џадимдембавамдо' манэ"лабтамбиць. Ненэця" харто' помнандо' џани' няндеромбиць, едэй" иле"мидо' няхато' ваде"џаць. Савовна манзаямдо' минреня" ты пэрти ненадумдэйдонзь, џуда' терха"на ми"ийдонзь.

Яля' ямбан' ненэцяџэ помнандо' пирдырџаць. Хасава" ныхыдарџа"ма", ямб санахана санарџа"ма", тюр' малм'

яркыби"ма". Не" џани' помнандо' ныхыдырџаць, сюрберџаць. Тиканда хой' няна иленя" пирибтя" я"амнадо' юџговы.

Неноховавна яля' пуныкуна џэдалё меретамдо' тэрабиць. Яндо' тер" нидо' сахамламба варемдо' мэ"џаць. Поџганандо' сюрхалаџгана", сятаня ханта" танияць. Сямянхат тыда мерета Ядне Юрий џэвысь, пыда – Ямал' пыя' няд, ядэрта. Еся мерета ханм' – буранм' ня"мась. Тад' џани" сянаковаха"на џобтарем' нерня' ха"амвы танияць, пыдо' џод" џуда' терсипой ниць хаю".

Сёяха' хой' тер" нина" та' ямбан' џатевы ялямдо' тарем' мэ"џадонзь. Едэсяб", џани похона та' ёльцяџгана џобтикы ма"лэда".

Мария Ѓокэй' падвы



Үашкиуди" паделъш манслаңа



Таттама: Андрей Пяк таттамы

Чуки дидиң шича' дю" шеэв дядяхана үашки" паделъш мансланни" дядя. Пуровский' районхана җайта школа-интернатхана", садикхана" ңука неша ни" воспитательҗэ манслаңа". Пы'тоң үашкиуде" хомана, кади" нютлям паделъ-чтутуң.

Мария Владимировна Музафарова (Пяк) Талкахай школа-интернатхана шичадю" шича пуң манслаңа. Пы'та воспитательҗэ мэңа, нюча үашкиуди" интернат садикхана падиля. Үашкиудета" кади" нютлям хумудята. Группакананта шичадю"кат ңука үашкиуди", ңукадөмутуң нешай" ню". Падидачета" үашкиуде" дөдьше пимши", дянаку". Мадкамантуң тайхана группакананта мэна" үашкиудета" кудкади" ңамыдю" шедтапө тоходампөштута. Садикхана мөчитуң мероприятихина" мэмантуң камна, калтыхина мэта" кудкади" олимпиадаха", конкурси" кэшту". Тальша мероприятихина" «Я-исследователь», «Лучик в ладошке», «Моя родословная» җайвахай местаканамаштуташ.

Чикиң камна Мария Владимировна интернатхана мансланна" нета" няш «Все краски Ямала» нимита фестивальхана нэхэдьшту, экологический турнирхана «Осенний кубок чистоты» җайвахай местан каамдыш. Мария Музафарова (Пяк) понанта ңупчики выңкна дидимы. Немяхайта несахайта «Верхне-Пуровский» совхозхана диланьч дямпан манслаңаханьш. Шеэв похонанта Талкахана җайта школа-интернатан тоходко томай. Лусаң ватам дехедамай, таньдөдьшканы выңкат тоходкош томы" үашкиуде" лусаң ватам, лусаң дилм дехедаштуш". Шеэв пота җайта үашкиуде, лусаң ватам дехедана, нельчөй тоходкош томанта няна ңундаштумай, мякта каймян хаштомай.

Шичитуң падида воспитательтун, шичитуң тоходампюта учительтуң дөдьше хомана үашкиуде" паделъштомөч. Талым выңкат томы" үашкиуди" мел лусан шедт тохоштомай".

Школахана Мария хомана тоходкомай, дөдьше пимшата, вивнутуга не үашки җаймай. Кудкади" кружокхана мөштомай, кынуштомай, талаштомай. Җупдьяңкня класс хитадамахатта Мария мансдьяң дет тоходко Халыңкалтан каймай. Таньняна Җэдм' чел" нешай" дет җайта педогогический' колледжхана им. Зверева то-холкомай. Тальша мансдьяң дет «Преподавание в начальных классах» тохотомай. Колледжта пут тоходкумата Талкахай школа-интернатхант манслаш томай. Нельчөй ин-

тернатхана дидина" үашки" паделъш мансламай, 2018 похот интернат садикхана нюча үашкиудехана" манслаңа. Группакананта мэна" үашкиуде" Мария Музафарова немяталям падидаята, талым пы'тоң шича хашаңоңа".

Четаң чики мансдята хомана вихинта камуля. Нянанта мансланна" нета" няң ңамыди" мансдетоң ңуп вин камольш шедташтугун. Садик-

хана мэна" үашкиудета" няш кудкади" мероприятихина" мөшту", шанат конкурсхана" мянадьш нэхэдьшту". Чикиң камна пы'та спорт'хана мянадьшту, кудкади" марафонхана шудвильшту. Шичадю" шича пуң мансламанта дямпан Мария Владимировна шанат үашкиуди" хома шоньшахана ватаңаш. Паделъштомыта нита" четаң кукитоң манде җалка неша". Нянанта мансланна" нета" маньшту", Мария Владимировна дөдьше чидьний, пимшата ни. Воспитательҗэ мансламанта дямпан шанат мэмаң хома патад камаштуш. Пы'та хомана мансламанта де'эмня велду" мимы" кудкади" патлота" – грамотита", дипломута" тадя".

Четаң нюча үашки" падида" воспитателю" дет җайта дядяхана Мария Владимировнам, җай ңыди Ямалхана җайта садикхана" үашки" паделъш мансланни" чупей поздравийпина". Хамана дидиңата", нинюта" канэд", мансдямта хома шоньшахана" миндеңата".

Үокна мянадыш"

Няхад дядяң пы'татуң конулпиш". Пуровский' районхана пиди нэхэта", нюңк үашки" Северное многоборьен дет тондюта спортхана мянадыш". Самбулкахана Җэдм' чел" нешай" спорт' дет тондюта чемпионат' мэңаш". Җопшед дюдкат ва'та шичадю" спортсмен" мянадыш". Ха"муляш, вядкудоляш", шудвильш", тувкам җайтапиш".

Самбулкахана дидина" спортмену" камна Кадпюдкат, Талкахат мяналта" тоңаш". Шана'кота" хамплярк Северное многоборьен дет җайта" спортхана пы'татуң конулпиш". Пиди нюңк, нэхэта" үашки" няхад дядяң дямпан понкнатуң мянадыш". Таньше шана'кош нешай" ню" тамна нючаңе тохошту". Пюлд дяха-

нана Северное многоборьен дет тондюта спортхана няхад дөнадыкат ңука үашки" тоходку". Талым ха"модыш, вядкудодыш, шудвильш, тувкам җайтапөш мяналдам хомана чедимяңа".

Таттама: Андрей Пяк таттамы



Куки соревнованитоң пихиня миньдыш". Деты кааммы хыдакохона, катна нумкна спортсмены" чешчам ниш' намтол мянадыш". Хомана шана'комы", җайвахай местам канамы" тотуң диплому", медалю нямҗаш". Үокна мянадымэхэты" няхамты местам Кадпюдкат томы" спортсмен" канаңатоньш.

Нимимтыместан Самбулкахат мэна" команда каамдыш. Җайвахай местам' Талкахат мэна" спортмену" команда канаңаташ. Хомана мяналдмэ" навөт җалка соревнованихи" кайны", таньняна җай нэхэмтуң, нюңк җаймямтуң конулпөты".



Няр' Пуци Тэта

Тюку ярабцм' 1948 похона З.Н. Куприянова Нельмин Нос нубета хардахана Явтысой Алексей Михайловичхад намдавэда, падарт' падвэда. Пыда ёльце сюдбала нэвы. Тамальгана И.П. Выучейской' совхозхана юне лэтамбадаңэ манзаравы. Пэвсюмя' няна мякананда ненэцяңг' лаханако, сё мэцетавы.

Пыдара" е"эмнянда" З.Н. Куприянова' падвы' сер' хаеваць. Толаңгобта", Канин' выңгана илена" ненэцие" вада' хэтырм' намдана' то"олхада" нэңгуда". Вадина" тэнз" нэмгэвна яңгавам' харта" таслаңгура", хамедаңгура".

Няр' Пуци тэта сэван тяхад си"им вадавы". Мань ты пэрңам, няр" ю" ёнар" пэрңам'. Няр' Пуци тэта ока мято' яңгу — няр" ю" мято'. Тэхэ" хэба"н ханяна аворцетым', ханяна нисетым'. Пибин сий", мальцяв сий, обан сий". Тарем' ю" по" тэхэ"на мэм'. Та' ямбан', сыра' ямбан' яда пэръян.

Ся"ны эбта о" няр" Пуцив апой хан' ни' амдвуд". Пэвсюмбы". Харта хэ"нёкоця, ибакоця. Мань тэхэ"на мэм'. Инзелем'. Пыдо' лаханаку". Арка Пуци пыда маманонда:

— Теда' ялумбата Сусуй аце-кым' хада тара, Пуци" хэхэ" ян' хану эваңэ хадавы эя. Пуна хар"на" маяндана" вадёда.

Тарем' мэнанда няби Пуци масьню":

— Неньсянда о" хадаб"на" тара. Сусуй нисямда маня" хада я"маваць, ю" по" хада я"маваць. Сусуй ацеки нисямда хэта.

Мякандо' тюванондо'. Пи' сава ер". Ты" помна ядам. Хадо' ваңган' сырам' сабкам', юсебтэюв". Ив ядэрңа: «Тюкона мэба"н си"им хоңгу"».

Ань' юркыв", ты" помна ань' ядалъюв". Ты" варан' тэыв", инян мам': «Нибтя тара" хад таясеты, хад ладамда».

Намднадрев' хад ладада. Ти сюрбыв", харасяда ян' сюрбим',

пи' ямбан' сюрбим'. Тики хэбья"н си"ив писавэй" сюрбим'.

Си"ив эсоңгана пуний хэвдан тёр" яльцеда". Пуня' ярэюв". Няр' Пуци тэта си"им нёдалмы". Арка Пуци тэта самляңг парисе"эм' нусь харембида, пыда масьню":

— Сусуй ацеки, ули" тыха' сюрмбю"! Нерат няна я' си хор-тена, нув' танця' ади. Нумд' нён тана"!

Тики яхад ватон яңгось сюр-быв'. Си"ив писавэй" хад марна. Удам' вэңгалась, уда ни адо". Сырари пу"лары". Тики яхад няр" Пуцив си"им ё"ңа". Яхан' тэыв". Яха' сяд' пыякод яха' мю' санэюв".

Идебя' понд' ха"мыв", сэям'. Сыра' ылна сабканорць пяв. Ямб тынзя' хунат сырам' сабкав. Тикэна хасерьюв", инзелем'. Няр' Пуци ань' товы". Пыдо' нултадо', яхам' манэсарманондо'. Арка Пуци пыда масьню":

— Тямда", тюковна хэвы, саваны". Ута тэйда, яха' мюня ади.

Таси' ха"амвондо'. Мань ха"амван ян' то". Арка Пуци пыда масьню":

— Ти, тюковна хэвы. Маня" хэхэва"!

Сыра' ваңгувна тадхава пумнан миманондо'. Мань о" яха'

ңылня' сабканорць миңам'. Тарем' мэнанда ули" хахая то". Арка Пуци нердеванонда, вэталё миманондо'. Ули" саць хахая то". Апой тибя' пелян' тамна нерняку' тованондо'. Э"н ылат арка Пуци уда теба. Арка Пуци пыда масьню":

— Мале тэва пява", удав нэ-гэван' теба, аре"мана эда эдара-ха.

Мань ань' сабканась пяв. Сатавна хаям'. Пыдо' ань' а"на хаи". Арка Пуци пыда маманонда:

— Няна" пэдэйна", тюкоховам' тэва я"мава". Мал' савнева". Пуна тецьхамда, панына" ханимда".

Харто' маманондо':
— Мядона" хубта". Теда' тюкод пуня' тарпхана".

Сихид пуня' хэванондо'. Тарпвондо'. Ханхато' хэванондо'. Пыдо' маманондо':

— Тюкона сеңгхава", хув' пюр-тава". Теда' пэвсюмя.

Яха' ваңган' ханудо' таванондо', вэталё сярвондо'. Нюдя Пуци вары пелей' ыл' еремям'. Вары сэрако нинян ну, тикэн' ва"ны".

Это' вэңгалёсь ханудо' ни' няр" Пуци юсебтэяд". Хонэяд". Мань хабт' харци' ылна мэм', манзадасьтым'— хабт' тэвамда макабтасьты. Тарем' мэнахан ханзер" тарем' мэтиня хунат

нялкарам'. Сырам' умбьянан си"ңам', сырңам'. Вары сэрако ули" ярменарха. Мань юседа"манан вары сэрако' харцида лабталмы". Ань' сабканам', тики хэбья"н юр" тибянь' яха' ылня' сырам' сабкав, тикан' хасерьюв".

Тарем' мэнанда нумда ялума. Ань' инзелем'. Арка Пуци пыда маманонда:

— Теда' мякна" хэхэва", панына" мал' савне", пуна ханимдава".

Пыдо' маманондо':

— Мяка"на" тэв"махадана" ямдаңгуна". Тюкон' яха' сяд' ни' эсодава". Ань' нара' няна харта адимда, сырада холкаңгу, ха"мада адимда.

Мякндо' эдалэяд". Тики хэ"мя-хад мань ань' миңам', яха' ылня' сабканам'. Яхако' ня"ван' тэыв". Ня"вда арка яхан' ха"амвы". Тю"у' тарпыв". Яха салабада салт' эвы. Яха' салабавна сюрбыв". Тики сюрбван' яля' писавэй' сюрбим'. Ян' танэюв'. Хой' нимня ядам. Хой' ниня лорцако танывы. Лорцако' ни' амдыв". Ули" пэвсюмя. Хонэюв".

(Пеляда нэдиманда газетыхана толара")

З.Н. Куприянова' ненэцяңгат намдавы, падарт' падвы



Хобцоко”

Таслара”, хурка
вада” сюрэ”?

АХАЛ



Т=C



КСЯ



КО



”

Ц



ЦЬ

Татьяна Сэротэтто’ сертавы”

Яр-Саля’ ты
пэртя” ил’

Яр-саля’ выңгы ненэця” не-няңг” иры’ пудана яляхана сэд-на ханодо’ сёмби”. Сельбя’ няна тикыри” һамгарихито’ тэваңгуд”. Та’ ямбан’ нерняри’ мюсерҗа”.

Ямал’ няна мюсерта” җысы” – Сеяха’ няю’ ёнда”, тамна харвабта тикы’ тяха’ тэворта” – хаебада ядо’ җока. Пыдо’ вэняңы җэрм’ терҗэ толы”. Я’ поңгана ханодо’ сибявна пэмбава’ е”эмня һамгэридо’ сёнзэ



Сидяңг”: Татьяна Сэротэтто’ тадҗавы”

хаебидо’. Тикы” седа” ханха”нато’ сельбя’ ёльцьҗгана тараванда” һамгэридо’ хаеби”. Ёря паньдо’, мальцидо’, җэрё’ мэта” мюйкудо’, хор”, буранадо’ – мал’ пилю” иры’ пэвдавэй” хаебидо’. Сыра таравандидо’ мал” җэвадьяркана хаерць вуни” пэр”, та’ ерт’ пирад” пэмба пэрьядо’.

Җысы ня”амбада” Ямал’ няна нернярина мюсерҗа”. Тарем’ җобри” мюсе”, тыто’ ям’ савада”, җопойри’ яля’ мина”. Харто’ илена” ты пэртя” сабе тарем’ нернярина ни” мюсер”. Пунякуна Юрибей’ җэсонд’ тэворҗа”, җопой, тыдо’ җокарка”, харто’ илена” – җысы” пирувна мюсерҗа”. Ней” то’ тяха’ хан”җа”.

Яр-саля’ сятаняңы” җысы” Бованенково’ ня’ тэворҗа”. Нарахад тет ю” самляңг җэдалавам’ пэрҗа”, маханяңы” ю” җысы” ханлавадо’ хахаярка – Ней” то’ җэсонд’. Сятаняңэхэд’ ю” җэдалава’ пирувна тянё.

Пуняңы” Ямал’ тер” сыра ханодо’ җопойри җэвадьяркана хаебидо’. Пыдо’ саць нерня’ ни” мюсе”. Пилю” иры’ пудана ялэ” пиркана пуңя’ салаңга”, җока я тэваданадо’ яңгу. Җацекеyto’



тохолко хэ”мяхад, харто’ илена” падде ня”мы няхатато’ тэраңгосеты”. Хор” ирыхына пуңяңы” ненэця” сыра ханото’ хэвханамэ”. Таминдо’ җэвадьяркана халыдамдо’ сэрабтамби”, та’ һамгаридо’ җахакуд хураби”, нерняна мюсерта” нито’ тоб” – мин’ нид хэвня’ ханда”.

Харто’ илена” җацекеyto’ мера-рка тохолко ханабидо’, тиртя җано пилю” ер’ пиркана турҗа.

Җысы” тер” җацекеyto’ яноць хан”җа”. Пыдо’ ни” тэраңгур”. Ва”ли” мэ”: тыдо’ яңгава’ е”эм-ня, хэвняңы җобдёда тым’ тэра

тараңгу. Ханяңы” ниня ман- зарана” – хибя” паде җысын’ җэсовы”, вакна харто’ ян’ тыдо’ тэрабидо’. Тикыдо’ хор” ирыхына манзаяйдо’.

Вы’ тер” иландо’ тарця, җобри’ мюсе тара, тикы-рихина тэсавэй” җэңгу”. Я’ малда җоб’ танияңгу, няби’ сер’ хусувэй җамгэда ёхода: тэда, яда, мята тер” – тикысипой” иле я”амаңгуда. Илева’ ямбан’ иландо’ тарця!

Татьяна Сэрой’ падвы

Газета
«Няръяна Нгэрм»Главный редактор
Яр Марина
ТэтакучевнаИ.О. ГЕНЕРАЛЬНОГО ДИРЕКТОРА
АНО «Ямал-Медиа»
Чигириновна Елена Константиновна№ 40 Подписано в печать 2.10.2025 г.
Вышла в свет 4.10.2025 г.
По графику: 16.00, фактически: 16.00.ПОДПИСНЫЕ ИНДЕКСЫ:
на год – ПА701,
на полугодие – ПР562.Учредитель – департамент внутренней политики ЯНАО
(629008, ЯНАО, г. Салехард, пр-кт Молодёжи, д.9, каб.708).Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д.9, каб.708)Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559Тираж 3600 экз.
Заказ № 1397 (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д.1, каб. 106Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д.1, каб. 106
тел. +7(349 22) 4-53-32

E-mail: nn@yamal-media.ru